

觸穢出來ニケレバ、御參籠日數不滿ケレ共、六條殿へ有還御、天文博士參集テ占文不輕ト騷申、今夜ハ南庭ニ假屋ヲ立テ御座アリ、諸宮諸院卿上雲客ノ亭共モ倒レ傾ケル上隙ナク震ケレバ、車ニ召船ニ乘テゾ御座ケル、有公卿僉議可有祈禱之由、諸寺諸山ニ仰ス、今夜ノ亥子丑寅時ハ、大地可打返ト占申シタリト云テ、家中ニ居タル者ハ上下一人モナシ、蔀遣戸ヲ放チテ大庭ニ敷竹ノ中、木本ニゾ居ケル、天ノ鳴地ノ動度ニハスハヤ只今コソ地ヲ打返セト云テ、女ハ夫ニ取付少者ハ親祖父ニ懷付、貴賤上下高タカラカニ阿彌陀佛ヲ申ケレバ、所々ノ聲々夥シ、八十、九十ノ者共未懸事ハ不覺トゾ申ケル、餘ニ少者年闊タル老人ハ、目眩心地損スナド云テ、被振殺者多シ、○中 文德天皇齊衡三年三月、朱雀院天慶元年四月ニ大地震アリト注セリ、天慶ニハ主上御殿ヲ避給テ、常寧殿ノ前ニ五丈ノ幄ヲ立テ渡ラセ給ケリ、四月十五日ヨリ八月ニ至迄、打列震ケレバ、上下家中ニ不安堵ト傳タレ共、其ハ見ヌ事ナレバイカ、ハセン、今度ノ地震ハ、上古末代類アラジト貴賤騷歎ケリ、平家ノ死靈ニテ、世ノ可滅由申合リ、

〔三代實錄光孝〕仁和三年七月卅日辛丑、申時地大震動、經歷數刻震猶不止、天皇出仁壽殿、御紫震殿南庭、命大藏省立七丈幄、二爲御在所、諸司舍屋及東西京廬舍、往々顛覆、壓殺者衆、或有失神頓死者、亥時亦震三度、

〔日本紀略圓融〕貞元元年六月十八日癸丑、申刻大震、○中 略 今日寄御輿於南庭立幄、爲御所、中宮廳前同以立幄、

〔左大史孝亮記〕文祿五年閏七月十二日、今夜亥刻許、大地震有之、主上大庭構御也、諸家各祇候、御殿所々顛倒、夜明後入御云々、北野經堂壬生地藏堂、其外民屋方々令顛倒、或死人等多云々、十三日、今夜又大地震、主上御大庭、諸家各祇候、予參伏見二丸之女房三百人餘、依地震失命云々、十五日、今日地震猶不止、參禁中大庭御假殿立ツ、番所并西方立添云々、十二月十日、今日地震以外